

SENITARTEKO JAIA

(Eubako Pasiotarren Alkartean)

1. Ondo etorriak gaur
senide ta lagun!
Gu pozik gagozala
hemen da ezagun:
Ondo jan ta edanda
hainbeste euskaldun,
bakez ta osasunez
ospatu dagigun.
2. Era askotan gagoz
lotuak alkarri:
odola ta fedea
dirala lokarri.
Hagaitik bazkari hau
jaku hain pozgarri;
ospatuko al dogu
ondo eta sarri
3. Guk sarri jo ohi dogu
auzoko aldaba,
ta prest beti hartzeko
arto edo baba.
Orain da gure txanda
ona izango al da:
inoiz ez da berandu
onerako bada.
4. "Komentu ederra ta
bizimodu ona",
hau da, gu ikusita
askotxok dinona.
Badakizue gaurtik
nun dan zoriona;
lekua sobra iagok
eta hator, gizona!
5. Atso agura asko
eta ume gitxi,
ume bat jaio orduko
mila aitabitxi...
Agertzen ezpada inor
txotxo edo txitxi,
laster beharko doguz
komentuak itxi.
6. Lehenago ederra zan
prailien karrera,
errez egin genduan
harako sarrera.
Barririk ez dator ta
geu goaz aurrera;
bila joan beharko da
Aprika zaharrera.
7. Ez uste izan, gero,
gagozanik larri,
badakigu gaur lurrak
zer leiken ekarri.
Gu praileok bagabiltz
honen barregarri,
ingurua txarrago
ikusten da sarri.
8. Gu ondo bizi gara
Eubako partian,
ondo konpontzen gara
alkarren artian.
Jaunak batu gaizala
datorren urtian,
ondo bizi zaiteze
bien bitartian.
9. Agur, o bihotzeko
senide maiteak!
Zer poza emon deuskun
zuek etorteak!
Indarra hartu daijala
gaur senitarreak,
zabal zabalik dagoz
Eubako ateak.
10. Agurtu egizuez
danak gure partez,
danentzat gorantziak
gaur zuen bitartez.
Gura dozuen arte
gure borondatez,
eta bizi zaiteze
osasun ta bakez!